


Clár

	Réamhrá	2
1	Ról an Stiúrthóra Ionchúiseamh Poiblí	3
2	Ráiteas Misin	6
3	An Comhthéacs Timpeallachta	7
4	Príomh-Chuspóirí	14
5	Seachadadh ar na Príomh-Chuspóirí	15
6	Fachtóirí Criticiúla Rathúlachta	21
7	Achoimre ar an bPróiseas Ionchúisimh Choiriúil	23
8	Cairt Eagraíochta	24



Réamhrá

Táim sásta deis a bheith agam leis an ráiteas straitéise seo dúshlán agus deiseanna Oifig an Stiúrthóra Ionchúiseamh Poiblí sna trí bliana atá amach romhainn a leagan amach agus an Oifig ag soláthar seirbhís ionchúiseamh neamhspleách, chothrom agus éifeachtach thar ceann Mhuintir na hÉireann.

Is iad na príomhthosaíochtaí atá amach romhainn ná caighdeán a chothabháil ó thaobh ionchúiseamh de, freagrachtaí nua atá tugtha don Oifig a bhainistiú agus leanúint le clár oibre nuachóirithe na státseirbhíse. Leanfaimid ar aghaidh ag díriú ar thráthúlacht agus ar chaighdeán cinntí agus gníomhartha a dhéanaimid. Forbróimid ár gcomhoibriú le heagraíochtaí eile sa chóras ceartais choiriúil tuilleadh agus sinn sa tóir ar an gcuspóir coiteann an córas ceartais choiriúil ina iomláine a fheidhmiú go ceart agus go héifeachtúil a chinntiú.

Is dúshlán ollmhór fós don Oifig é an fulaingeoir coiriúlachta a dhéanamh lárnach don chóras ceartais choiriúil ach gan dochar a dhéanamh don phrionsabal go ndéanann an Oifig ionadaíocht ar Mhuintir na hÉireann ina n-iomláine. Le linn shaolré an Ráitis Straitéise seo, cuirfimid ár scrúdú ar an bpolasaí reatha maidir le cúiseanna a thabhairt d'fhulaingeoirí coiriúlachta agus do theaghlaigh íospartach éagtha i ndáil le cinntí gan cásanna a ionchúiseamh i gcrích.


Tá cúig bliana caite anois ó aistríodh an fhreagracht as an tseirbhís aturnaí i ndáil le trialacha coiriúla i mBaile Átha Cliath agus as an bPríomh Aturnaí Ionchúisimh a cheapadh le bheith i gceannas an Rannáin Aturnaí chuibhreach an Oifig. Táim ag tnúth leis an gcaibidlíocht a thabhairt chun críche maidir leis an bhfreagracht as an tseirbhís aturnaí stáit áitiúla trína ndéileáiltear le trialacha coiriúla lasmuigh de Baile Átha Cliath a aistriú chuibhreach an Oifig. Leis an aistriú sin, éascófar seirbhís níos sruthlínithe agus seirbhís níos fearr don phobal.

Is dúshlán ollmhór sna blianta atá amach romhainn é a chinntiú go gcomhlíonfar an ról nua maoirsithe a tugadh don Oifig le halt 8(4) d'Acht an Gharda Síochána 2005 i ndáil le hionchúisimh a mbíonn comhaltaí den Gharda Síochána ina mbun sa Chúirt Dúiche go héifeachtúil.

Táimidne in Oifig an Stiúrthóra Ionchúiseamh Poiblí ag tnúth go mór leis na dúshláin agus leis an deiseanna atá amach romhainn.

James Hamilton

An Stiúrthóir Ionchúiseamh Poiblí



I Ról an Stiúrthóra Ionchúiseamh Poiblí

Cúlra Reachtúil


- 1.1** Bhunaigh an tAcht um Ionchúiseamh i gCionta, 1974 Oifig an Stiúrthóra Ionchúiseamh Poiblí, a thug “na feidhmeanna go léir is féidir leis an Ard-Aighne a chomhlíonadh maidir le hábhair choiriúla” don Stiúrthóir ón Ard-Aighne díreach sular ritheadh an tAcht.
- 1.2** Is í príomhfheidhm atá i gceist an chumhacht cionta coiriúla a ionchúiseamh. Tagann an chumhacht chun cionta indíotáilte (na cionta níos tromchúisí a thrialtear os comhair giúiré nó sa Chúirt Choiriúil Speisialta) a ionchúiseamh ó Alt 30 de Bhunreacht na hÉireann. Tagann an chumhacht chun cionta achoimre a ionchúiseamh ón Acht Breithiúnais Choiriúla (Riara), 1924. Ach amháin i gcásanna lascaigh Mara, ní fhéadfaidh ach an Stiúrthóir cásanna indíotáilte a ionchúiseamh, ach féadfaidh Airí iomchuí, Ranna Stáit, sainghníomhaireachtaí imscrúdaithe nó daoine aonair ag gníomhú mar “Fhaisnéisithe Príobháideacha”, cionta achoimre a ionchúiseamh. Ó tháinig alt 8 d’Acht an Gharda Síochána, 2005 i bhfeidhm (i mí Feabhra 2007), caitear ionchúisimh achomair a dhéanann an Garda Síochána a thabhairt in ainm an Stiúrthóra agus faoi réir a threoracha ginearálta nó a threoracha sonracha.
- 1.3** Thug Acht 1974 feidhmeanna an Ard Aighne don Stiúrthóir chomh maith maidir le hachainíocha toghcháin agus reifrinn.
- 1.4** Chun tuairisc níos mionsonraithe a fháil ar fheidhmeanna an Stiúrthóra díritear aird an léitheora ar *Threoirlínte d’Ionchúisitheoirí* agus *Cód Eitice* a foilsíodh i 2006 atá ar fáil ar láithreán gréasáin na hOifige ag www.dppireland.ie.
- 1.5** Déanann Acht 1974 foráil go mbeidh an Stiúrthóir Ionchúiseamh Poiblí neamhspleách agus é ag comhlíonadh


a chuid feidhmeanna. Treisítear an neamhspleáchas sin leis na forálacha reachtúla a bhaineann le ceapachán agus daingneacht tionachta an Stiúrthóra agus leis an toirmeasc reachtúil ar chumarsáid a bheadh beartaithe chun tionchar a imirt ar chinntí an Stiúrthóra.

- 1.6** Tá mar chúnadh ag an Stiúrthóir foireann de 67 oifigeach gairmiúil dlí, idir aturnaetha agus abhcóidí, agus tá cumhacht reachtúil aige iad a threorú chun aon cheann dá fheidhmeanna a chomhlíonadh thar a cheann. Tá foireann de 173 san iomlán fostaithe ag Oifig an Stiúrthóra Ionchúiseamh Poiblí.

An Córas Ionchúiseamh Poiblí

- 1.7** Is toradh ar atá obair roinnt gníomhaireachtaí aonair atá sa chóras ionchúiseamh poiblí in Éirinn. Ní fhéadfaidh aon ghníomhaireacht amháin córas ionchúiseamh a sheachadadh leis féin. Mar sin is cuid riachtanach de chóras ionchúiseamh éifeachtúil agus éifeachtach a sholáthar í idirghníomhaíocht idir na gníomhaireachtaí. Is iad seo a leanas na príomhghníomhaireachtaí sa phróiseas.
- 1.8** Oifig an Stiúrthóra Ionchúiseamh Poiblí atá roinnte ina trí rannán:
- Tá an Rannán Stiúrtha freagrach as stiúradh foriomlán imeachtaí coiriúla tromchúiseacha. Áirítear air sin an cinneadh a dhéanamh ar chóir ionchúiseamh a dhéanamh, agus cad é an cion a bhíonn i gceist, glacadh le cinneadh a dhéanamh imeachtaí a tharraingt siar nó pléadálacha i gcionta níos lú, agus achomhairc a thabhairt maidir le pointí dlí nó chun athbhreithnithe ar phianbhreithe a bhíonn róthrócaireach go míchuí a lorg.





- Is é an Rannán Aturnaetha, faoi cheannaireacht an Phríomh-Aturnae Ionchúisimh, atá freagrach as an tseirbhís aturnae i mBaile Átha Cliath a sholáthar don Stiúrthóir. Áirítear air sin ullmhúchán ginearálta ar chásanna indiotáilte, lena n-áirítear leabhair fianaise a ullmhú, agus teagasc agus freastal a dhéanamh ar abhcóidí ag an éisteacht, seoladh ionchúiseamh achomair agus seoladh gach cás Athbhreithnithe Bhreithiúnaigh thar ceann an Stiúrthóra. Tá an Príomh-Aturnae Ionchúisimh freagrach don Stiúrthóir agus soláthraíonn sé seirbhís aturnae mar chuid lárnach d'Oifig an Stiúrthóra.
- Soláthraíonn an Rannán Riaracháin na seirbhísí eagraíochtúla, bonneagair, riaracháin agus faisnéise a bhíonn riachtanach don Oifig agus chomh maith leis sin tugann tacaíocht don Rannán Stiúrtha agus don Rannán Aturnaetha araon.

1.9 Tá feidhm imscrúdaithe an Gharda Síochána neamhspleách ar an Stiúrthóir agus ar a Oifig. Tá an Garda Síochána freagrach as coireanna a imscrúdú. Is iad a dhéanann an cinneadh ar chóir ionchúiseamh a dhéanamh i ndáil fhormhór mionchionta, agus seolann siad na cásanna sin sa chúirt. Sa chás go ndéanann an Garda Síochána ionchúiseamh déanann siad sin in ainm an Stiúrthóra agus bíonn siad faoi réir aon treoraithe a thabharfaidh an Stiúrthóir maidir leis an ionchúiseamh áirithe sin. Ina theannta sin, bíonn siad faoi réir treoracha ginearálta a eisíonn an Stiúrthóir ó am go ham tar éis comhchomhairle le Coimisinéir an Gharda Síochána.

1.10 Is aturnaetha neamhspleácha i gcleachtas príobháideach iad na 32 aturnae stáit áitiúla, (duine i ngach contae lasmuigh de Bhaile Átha Cliath, ach amháin Gaillimh, Luimneach, Cill Dara agus Tiobraid Árann, a bhfuil beirt, agus Corcaigh, a bhfuil ceathrar ann) a sholáthraíonn seirbhís aturnae ina limistéir faoi seach don Ard-Aighne agus don Stiúrthóir araon, ar bhonn conartha leis an Ard-Aighne. Mhol Tuarascáil an Ghrúpa Staidéir ar an gCóras Ionchúiseamh Poiblí, ar ghlac an Rialtas léi, go n-aistreofaí freagracht as seirbhís an aturnae stáit áitiúil chuig an Stiúrthóir. Is é an gaol atá acu leis an Stiúrthóir faoi láthair ná mar aturnae agus cliant. Meastar go n-aistreofar conarthaí na naturnaetha stáit sin chuig an Stiúrthóir go luath i saolré an Ráitis Straitéise seo.

1.11 Tugann an Stiúrthóir treoir d'abhcóidí neamhspleácha obair abhcóideachta a dhéanamh i gcásanna a n-éistítear os comhair giúiré nó sa Chúirt Choiriúil Speisialta nó sa chúirt achomhairc.

1.12 Ina theannta sin tá roinnt sainghníomhaireachtaí imscrúdúcháin ann a bhfuil cumhacht acu imscrúdú a dhéanamh ar chuireanna in earnálacha sonracha agus chun ionchúiseamh a dhéanamh go hachomair. Áirítear orthu sin na Coimisinéirí Ioncaim, an tÚdarás Iomaíochta, Oifig an Stiúrthóra um Fhorfheidhmiú Corparáideach, agus an tÚdarás Sláinte & Sábháilteachta. Tá an gaol atá acu leis an Stiúrthóir cosúil leis an ngaol atá aige leis an nGarda Síochána.

Imscrúdú agus Ionchúiseamh


- 1.13** Baineann trí príomhchéim le cion a ionchúiseamh:
- coir a imscrúdú
 - an cinneadh ionchúiseamh a dhéanamh nó gan ionchúiseamh a dhéanamh agus
 - an cás a bhainistiú nuair a bhíonn an cinneadh déanta ionchúiseamh a dhéanamh.
- 1.14** Níl feidhm imscrúdaithe ag an Stiúrthóir. Is é feidhm an Gharda Síochána, go ginearálta, cionta coiriúla a imscrúdú. Tá sainúdarais imscrúdúcháin ann freisin. Comhoibríonn an Stiúrthóir go rialta leis na gníomhaireachtaí imscrúdaithe le linn imscrúduithe coiriúla, go háirithe maidir le comhairle dhlíthiúil chúí agus ionchúisimh a chur ar fáil, ach ní stiúranann sé iad.

An Cinneadh Ionchúiseamh a Dhéanamh

- 1.15** Is é an Stiúrthóir agus a fhoireann a dhéanann an cinneadh ar chóir ionchúiseamh a dhéanamh agus cad iad na cionta a ionchúiseofar i ngach cás a thriailtear ar díotáil agus i gcásanna tromchúiseacha eile. I gcleachtas, is é an Garda Síochána a thionscnaíonn agus a ionchúisíonn cásanna achoimre sa Chúirt Dúiche in ainm an Stiúrthóra ach faoi réir threoracha ginearálta nó sonracha an Stiúrthóra. Ní chuireann cinneadh a dhéanann an Garda Síochána ionchúiseamh nó gan ionchúiseamh a dhéanamh cosc ar an Stiúrthóir maidir lena mhalairt de chinneadh a dhéanamh, má chuirtear an ní faoina bhráid.

An Cás a Bhainistiú tar éis an Chinneadh Ionchúiseamh a Dhéanamh

- 1.16** Is ar an Stiúrthóir agus a fhoireann ghairmiúil a luíonn stiúradh foriomlán cásanna tromchúiseacha nuair a chinntear ionchúiseamh a dhéanamh. Cinníonn siad freisin ar chóir glacadh le pléadail chiontach ar chúiseamh nach bhfuil chomh tromchúiseach nó ar chóir achomharc a dhéanamh ar chinneadh.
- 1.17** Is ar an Rannán Aturnaetha, faoin bPríomh-Aturnae Ionchúisimh, nó an t-aturnae stáit áitiúil, atá an fhreagrach seirbhís aturnae a sholáthar. Bíonn an t-aturnae freagrach as ullmhúchán ginearálta an cháis, lena n-áirítear leabhair fianaise a ullmhú, uiriolla a dhéanamh ar an ionchúiseamh ag gach éisteacht nó iarratas réamhthrialach, lena n-áirítear teistíochtaí a ghlacadh nó fianaise a ghlacadh trí nasc físe, nó ábhair réamhthrialacha eile ar nós nochtadh doiciméid, agus a chinntiú go mbíonn an cás réidh le dul ar aghaidh ar an dáta a bhíonn socraithe don triail. Bíonn an t-aturnae freagrach as teagasc agus freastal a dhéanamh ar aon abhcóide a bhíonn fostaithe sa chás.
- 1.18** Lasmuigh de Cheantar Mórchathair Bhaile Átha Cliath is Ceannfort nó Cigire den Gharda Síochána a chuireann ionchúisimh achoimre i láthair na cúirte. I roinnt cásanna, cuirfidh an t-aturnae stáit áitiúil an cás i láthair nó, ó am go chéile, d'fhéadfaí abhcóide a áirithiú. Laistigh de Cheantar Mórchathair Bhaile Átha Cliath, is comhaltáí de chuid an Gharda Síochána nó aturnaetha ó Rannán Aturnaetha Oifig an Stiúrthóra Ionchúiseamh Poiblí a chuireann ionchúisimh achoimre i láthair.



2 Ráiteas Misin

2.1 Is é misean an Stiúrthóra Ionchúiseamh Poiblí agus a Oifige:


“Soláthar a dhéanamh thar ceann Phobal na hÉireann ar sheirbhís ionchúiseamh a bhíonn neamhspleách, cothrom agus éifeachtach”

2.2 An Pobal: Forálann Bunreacht na hÉireann go mbíonn coireanna agus cionta le hionchúiseamh in ainm an Phobail. Tá sé lárnach do ról an Stiúrthóra agus a Oifige go dtionscnaítear ionchúisimh thar ceann an Phobail.

2.3 Is croíluch de chuid na hOifige é an **neamhspleáchas**. Bhunaigh an tAcht um Ionchúiseamh i gCionta, 1974, oifig an Stiúrthóra Ionchúiseamh Poiblí mar oifig neamhspleách. Is cúis lárnach le bunú na hoifige a bhí sa ghá leis an tseirbhís ionchúisimh a bheith neamhspleách agus go bhfeicfí go bhfuil sé amhlaidh. Faoi réir ag na Cúirteanna, tá an Stiúrthóir neamhspleách ar gach comhlacht agus institiúid eile, lena n-áirítear an Rialtas agus an Garda Síochána araon, agus glactar cinntí saor ó aon thionchar polaitiúil nó eile.

2.4 Is comhpháirt bhunriachtanach den tseirbhís ionchúiseamh i sochaí dhaonlathach í an **chothroime**. Tá sé mar aidhm ag Oifig an Stiúrthóra oibriú chuig na caighdeáin ghairmiúla is airde agus déileáil go cothrom, go comhionann agus go comhsheasmhach gan aon idirdhealú mícheart le gach duine lena mbíonn sí ag déileáil.

2.5 Éifeachtacht: Tá sé mar aidhm ag an Oifig an tseirbhís ardchaighdeán is airde a sholáthar ar chostas réasúnach. Tá oifigeach cuntasachta na hOifige cuntasach don Ard-Reachtair Cuntas agus Ciste agus do Choiste Dála na gCuntas Poiblí maidir lena caiteachas airgid poiblí agus dá heacnamaíocht agus éifeachtacht in úsáid a hacmhainní.



3 An Comhthéacs Timpeallachta

Réamhrá

3.1 Le go soláthróidh an Oifig seirbhís ar an gcaighdeán is airde is féidir ar an gcostas is eacnamaíche, tá sé riachtanach go dtugaimid aird leanúnach ar an timpeallacht atá ag athrú ina gcaithimid oibriú. Tá raon fachtóirí a mbeidh tionchar acu ar an tslí a dtéimid i mbun gnó sna trí bliana amach romhainn. Tugann an ráiteas seo deis dúinn na fachtóirí sin a leagadh amach, breathnú ar an éifeacht a bheidh acu ar ár seirbhís, agus na bearta a chuirfimid ar bun leis an tseirbhís ionchúisimh is éifeachtaí agus is éifeachtúlaí a sheachadadh i bhfianaise imthosca a bhíonn ag athrú.


An Timpeallacht Dhlíthiúil

3.2 Méid agus castacht na hoibre: Bítear seasta ag cur le méid agus castacht na hoibre a ndéileáil an Oifig seo.

- D'ardaigh an líon comhad a fuarthas sa Rannán Stiúrtha ó 6,698 i 2004 go dtí 7,478 i 2005 agus go dtí 7,803 i 2006. Is ionann sin agus ardú de bheagnach 16.5%. Chomh maith leis an ardú sin, tá méadú ar an gcastacht freisin. Tharla an méadú sin ainneoin go bhfuil céimeanna tógtha ag an Oifig chun cinnteoireacht i ndáil le comhaid áirithe nach bhfuil chomh casta sin a thairmligean ón Rannán Stiúrtha go dtí an Rannán Aturnaetha agus an Garda Síochána. Ní thugann comparáid shimplí ar an líon comhad léargas fíor mar sin ar an bhfíormhéadú ar mhéid na hoibre. Chomh maith le méadú ginearálta ar an gcastacht i ndáil le hábhair ionchúisimh, baineann na comhaid a chuirtear ar aghaidh chuig an nGarda Síochána anois le hábhair níos tromchúisí agus níos casta anois.

Tarlaíonn sin mar gheall ar an toiliú ginearálta le cur de láimh achomair a tugadh don Gharda Síochána den chéad uair i 2001 a chuireann ar a gcumas ionchúiseamh a dhéanamh i gcásanna níos simplí gan tagairt don Oifig seo.

- Bíonn baint ag líon suntasach gníomhaireachtaí rialaitheacha speisialaithe le himscrúdú agus ionchúiseamh cionta coiriúla. Áirítear orthu sin na Coimisinéirí Ioncaim, an tÚdarás Sláinte & Sábháilteachta, an tÚdarás Iomaíochta, Údarás Áitiúla. Bíonn méid mór i gcónaí i comhaid a fhaightear ó shainghníomhaireachtaí imscrúdaithe agus bíonn saincheisteanna dlíthiúla casta iontu. Tá sin amhlaidh go háirithe i gcás comhad a bhaineann le básanna ag an áit oibre, cásanna pleanála agus bainistithe dramhaíola, nithe a bhaineann le hioncam agus saincheisteanna iomaíochta. Mar sin, bíonn imscrúdú na gcomhad sin thar a bheith dian ar acmhainní.
- Tá ardú ollmhór tagtha ar an líon comhad a ndéileáil an Rannán Athbheithnithe Bhreithiúnaigh an Rannán Aturnaetha leo le trí bliana anuas. I 2004 b'ionann an líon iomlán comhad ar déileáil leo agus 299. Faoi dheireadh 2006 d'ardaigh an figiúr sin go dtí 358 – ardú de 19.7%. Chomh maith leis an ardú ar an líon comhad, tá ardú suntasach ar chastacht na gcomhad sin tugtha faoi deara ag an Oifig.



3.3 Alt 8, Acht an Gharda Síochána:

Cruthaíonn Alt 8 d'Acht an Gharda Síochána 2005 ról maoirsithe don Oifig seo maidir le hionchúisimh a dhéanann comhaltaí an Gharda Síochána sa Chúirt Dúiche. Déanann an ról maoirsithe sin foráil go n-eiseoidh an Stiúrthóir treoracha ginearálta agus sonracha araon maidir leis an tuairim is 350,000 ionchúiseamh de chuid an Chúirt Dúiche (lena n-áirítear cásanna indiotáilte a ndéileálar leo go hachomair) a dhéanann comhaltaí den Gharda Síochána gach bliain. Ina theannta sin, féadfaidh an Stiúrthóir treoracha a bhaineann le tionscnamh nó le seoladh ionchúiseamh den sórt sin a thabhairt, a athrú nó a chealú, agus féadfaidh sé cosc a chur ar chomhaltaí an Gharda Síochána ionchúisimh a dhéanamh i ndáil le cineálacha áirithe cionta nó in imthosca sonraithe. Is ionann sin agus méadú thar a bheith suntasach ar na freagrachtaí atá le comhlíonadh ag an Oifig seo agus is dúshlán mór a bheidh ann amach anseo.


3.4 Ionchúisimh Iascaigh Mara: Beidh mar thoradh ar an mBille Iascaigh Mara agus Dlíne Muirí 2006 go n-aistrefar freagracht as ionchúisimh iascaigh mara agus muirí a ionchúiseamh ó Oifig an Ard-Aighne go dtí an Oifig seo. Tá cainteanna fós ar siúl leis an Ard-Aighne, agus é seo á scríobh lena chinntiú cad iad na himpleachtaí acmhainne don Oifig seo nuair a thiofadh an tAcht i bhfeidhm.

3.5 Sócmhainní a Urghabhail: D'achtaigh an tAcht um Cheartas Coiriúil 1994 réitigh áirithe maidir le brabúis daoine ciontaithe ó ghníomhaíocht choiriúil a choigistiú. Is féidir suimeanna suntasacha a bheith i gceist i gcásanna áirithe. Íoctar an t-airgead go léir a bhailítear isteach sa Phríomh-Chiste agus mar sin is chun leas an Stáit é. Cé go mbíonn ceangal ann go ndéanfaidh an Chúirt fiosrúcháin maidir le cibé an bhfuil sócmhainní den sórt sin ann, i ndáil le

cionta áirithe, ní bhíonn ceangal ann i ndáil le gach cion. Mar sin, tá an Oifig seo ag oibriú leis an nGarda Síochána agus leis na Cúirteanna lena chinntiú go dtabharfar éifeacht d'fhorálacha an Aichta a mhéid is féidir. Tá an obair seo thar a bheith dian ar acmhainní. Lorgamar foireann bhreise lena chur ar ár gcumas níos mó acmhainní a dhíriú ar an réimse oibre sin, lena n-áirítear próiseáil agus feidhmiú Orduithe Coigistíochta de bhun alt 4 agus alt 9 den Acht um Cheartas Coiriúil, 1994, arna leasú ag alt 25 den Acht um Cheartas Coiriúil, 1999; forghéilleadh airgead urghabháilte de bhun alt 38 den Acht um Cheartas Coiriúil, 1994; agus Orduithe Srianta.

3.6 Barántais Ghabhála Eorpacha: Sular achtaíodh an tAcht um Barántas Gabhála, 2003, bhain dréachtadh agus áirithiú baránatas chun daoine a raibh lorg orthu i ndáil le cionta coiriúla sa dlínse seo a ghabháil leis an nGarda Síochána, agus ní raibh de cheanglas ar an Oifig seo ach ceadú a thabhairt. Ó tugadh an tAcht isteach, áfach, caithfidh Oifig an Stiúrthóra Ionchúiseamh Poiblí dréachtáil a shocrú agus gach iarratas a dhéanamh ar Bharántais Ghabhála Eorpacha. Is méid mór oibre é sin agus meastar go leanfaidh leis ag tarraingt ar acmhainní na hOifige seo.

3.7 Cúirteanna Breise: Is treocht is dócha a leanfar leis le linn shaolré an Ráitis Straitéise seo cúirteanna nua a chruthú agus suíonna coiriúla sna Cúirteanna Dúiche agus sna Cúirteanna Cuarda a leathnú. Ina theannta sin, le dhá bhliain anuas tá méadú tuairim is faoi thrí taghta ar an líon laethanta a shuíonn an Chúirt Achomhairc Choiriúil. Ba chóir fáilte a chur roimh na forbairtí sin toisc go dtugann siad aghaidh ar riaráistí cásanna agus feabhsaíonn siad agaí cur de láimh. Tá impleachtaí acmhainne ann don Oifig seo, áfach, maidir le foireann a chur ar fáil chun freastal ar na suíonna breise sin.



3.8 Polasaí Ionchúisimh: Is minic a iarrtar ar Oifig an Stiúrthóra Ionchúiseamh Poiblí a tuairimí a thabhairt ar shaincheisteanna polasaí a eascraíonn as reachtaíocht bheartaithe, doiciméid pholasaí a thagann ón Aontas Eorpach nó fiosrúcháin ó chomhlachtaí idirnáisiúnta mar an Eagraíocht um Chomhar agus Forbairt Eacnamaíochta. Go dtí seo is iad baill foirne inár Rannán Stiúrtha a rinne an obair sin chomh maith lena gcroí-obair ar chomhaid ionchúisimh. Mar gheall ar an méid mór tuarascálacha agus an méid ama a éilíonn an obair sin rinneadh cinneadh gur chóir Aonad Polasaí Ionchúisimh a bhunú laistigh den Oifig. Beidh an tAonad Polasaí Ionchúisimh freagrach freisin as polasaí Oifige inmheánacha a cheapadh agus i gcomhthéacs alt 8 d'Acht an Gharda Síochána 2005, as saincheisteanna polasaí a eascraíonn in obair ionchúisimh a dhéanann an Garda Síochána. Lorg an Stiúrthóir na hacmhainní riachtanacha le déanaí chun aonad mar sin a bhunú agus táthar ag súil go gcuirfear ar fáil iad i rith 2007.

3.9 An Tionscadal Cúiseanna: Tá an Oifig seo ag déanamh taighde faoi láthair ar an bpolasaí atá aici le fada gan cúiseanna a thabhairt maidir le cinneadh ionchúiseamh a dhéanamh nó gan ionchúiseamh a dhéanamh i gcásanna áirithe. Cé go dtugtar cúiseanna don Gharda Síochána go príobháideach sa chás nach ndéantar ionchúiseamh, bhí polasaí ginearálta ann riamh anall gan cúiseanna a thabhairt d'íospartaigh coire ná do dhaoine den phobal i gcoitinne. Bhí polasaí na hOifige gan chúiseanna a thabhairt mar ábhar conspóide agus cáinte ar uairibh, agus rinneadh caint dhiúltach sna meáin de bharr nár tugadh aon chuntas oifigiúil ar an údar nach ndearnadh ionchúiseamh, go háirithe nuair nach ndearnadh ionchúiseamh mar thoradh ar imscrúduithe coiriúla a bhí i mbéal an phobail. Scrúdaíonn an taighde


an polasaí agus na fachtóirí a thacaíonn leis. Déanann sé measúnú ar chur chuige dlínsí eile ar an tsaincheist chomh maith, go háirithe an cleachtas i Sasana, sa Bhreatain Bheag agus i dTuaisceart Éireann. Tá athbhreithniú á dhéanamh chomh maith arbh fhiú polasaí cúiseanna a thabhairt isteach i ndáil le cinntí gan ionchúiseamh a dhéanamh, i dtéarmaí praiticiúla agus dlíthiúla. Táthar ag súil go gcuirfear an taighde i gcrích i lár 2007. Má dhéantar cinneadh an polasaí reatha ar an tsaincheist sin a athrú is dócha go mbeidh impleachtaí achmainní suntasacha aige sin don Oifig seo.


3.10 Scrúdú Poiblí: De bharr go bhfuil neart grúpaí a dhéanann ionadaíocht ar íospartaigh agus imní an phobail faoi chruachás íospartach, chomh maith le himní an phobail faoi shaincheisteanna a bhaineann le coireacht, agus le coireacht eagraithe ach go háirithe a bheith ag láidriú, táimid ag an bpointe anois, d'ainneoin an pholasaí gan chúiseanna poiblí a thabhairt maidir le cinntí, ina gcuirtear obair na hOifige níos mó agus níos mó faoi dhianscrúdú an phobail agus na meán.

An Timpeallacht Bhainistithe agus Rialaithe

3.11 Aithníonn an Oifig go bhfuil sé riachtanach a chinntiú go mbeidh nósanna imeachta bainistithe agus rialaithe iomchuí aici má tá sí lena freagrachtaí a chomhlíonadh go héifeachtach. Le linn shaolré an Ráitis Straitéise seo braithfidh an Oifig ar an gcreat bainistithe agus rialaithe a forbraíodh thar shaolré an dá Ráiteas Straitéise deiridh chun cur le raon tionscnamh ar tugadh fúthu cheana agus chun tionscnaimh nua a sheachadadh.

3.12 Tá roinnt prionsabal atá mar bhonn taca do chreat bainistithe agus rialaithe na hOifige. Is cinn lárnacha ina measc





siúd iad Tionscnamh Bainistíochta Straitéisí na státseirbhíse, struchtúir Chomhpháirtíochta ghníomhacha, agus Coiste Iniúchta neamhspleách a dhéanann maoirsiú ar fheidhm iniúchta inmheánach na hOifige.

3.13 Bhí Tionscnamh Bainistíochta Straitéisí mar chuid den treallús athraithe laistigh den Oifig le tamall anuas. Ag croílár Tionscnamh Bainistíochta Straitéisí tá fealsúnacht cuspóirí intomhaiste a leagan síos agus freagracht as seachadadh na gcuspóirí sin a shannadh go soiléir. Is cuid lárnach den mhéid sin pleananna gnó a fhorbairt do réimsí oibre agus iad sin a nascadh le spriocanna feidhmíochta ar leith. Agus na spriocanna leagtha amach tá sé riachtanach an fheidhmíocht a bhaintear amach i leith na spriocanna a thomhas.

3.14 Cé gur léir gurb iad na bainisteoirí san Oifig atá freagrach as a chinntiú go seachadaítear spriocanna feidhmíochta, tá an Oifig den tuairim go mbíonn cuid den fhreagracht sin ar an bhfoireann go léir freisin. Is éard atá i bhfeidhmíocht na hOifige i ndáiríre ná suim an mhéid a chuireann gach duine den fhoireann leis an obair. De bharr thábhacht ollmhór thiomantas na foirne i leith ár spriocanna a sheachadadh, d'oibrigh an Oifig chun struchtúir Chomhpháirtíochta láidre a thógáil. Feidhmíonn na struchtúir sin mar fheithicil ní amháin ó thaobh thuairimí na foirne a chur in iúl ach mar fheithicil freisin chun fuinneamh agus cruthaitheacht na foirne a cheapadh maidir le freagraí ar na dúshlán atá roimh an Oifig a fhorbairt.

3.15 Ceann de na dúshlán ná a chinntiú go mbeidh na scileanna riachtanacha ag foireann agus bainisteoirí na hOifige oibriú sa timpeallacht dhúshlánach ina n-oibríonn siad sa lá atá inniu ann. D'úsáideamar Córas Bainistithe agus Forbartha Feidhmíocháin na Státseirbhíse mar chreat chun an dúshlán seo a

bhainistiú. Le linn shaolré an Ráitis Straitéise seo cuirfidh an Oifig Samhail Lánpháirtithe nua Córas Bainistithe agus Forbartha Feidhmíocháin i bhfeidhm go hiomlán. Cuireadh an tsamhail sin i bhfeidhm ar mhaithe le dul i dtraithí uirthi i rith 2006 agus beidh sí faoi oibríocht iomlán i 2007. Tugann an tSamhail Lánpháirtithe gach gné de bhainistiú agus d'fhorbairt feidhmíochta le chéile laistigh de chreat amháin, seachas roinnt samhlacha measúnaithe comhthreomhara a bheith ar bun. Ar nós gnéithe eile de Córas Bainistithe agus Forbartha Feidhmíocháin laistigh den Oifig, rinneadh tabhairt isteach na gné nua sin a bhainistiú, agus leanfar dá bhainistiú, trínár struchtúir Chomhpháirtíochta

3.16 I dteannta na Samhla Lánpháirtithe Córas Bainistithe agus Forbartha Feidhmíocháin nua, cuirfear fócas athnuaite ar oiliúint agus ar fhorbairt thar shaolré an Ráitis Straitéise seo. Bunaíodh Grúpa Stiúrtha Oiliúna ardleibhéal le bheith mar threallús don phróiseas sin. Leanfar le gnáthriachtanais oiliúna agus forbartha na foirne a chomhlíonadh, mar is gnáth. Cuirfidh an Grúpa Stiúrtha Oiliúna béim faoi leith, áfach, ar thrí réimse. Is é an chéad cheann béim níos mó a chur ar oiliúint ionduchtaithe iontrálaithe nua san Oifig. Is é an dara ceann sraith nua oiliúna bainistithe a sheachadadh le cur leis na cláir oiliúna bainistithe a sheachadadh le blianta anuas. Is é an tríú réimse a gcuirfear béim faoi leith air ná ár straitéisí bainistithe faisnéise a fhorbairt go mbeimid in ann an raon faisnéise atá san Oifig a ghabháil agus a scaipeadh ar shlí níos fearr, go háirithe maidir le nithe ionchúisimh.

3.17 Is cuid lárnach den Ráitis Straitéise seo go mbeadh foireann thiomanta, dheaoilte ann, a bheadh ag oibriú i dtreo cuspóirí soiléire agus a ndéanfá

a bhfeidhmíocht a mheasúnú de réir na gcuspóirí sin. Is é an réamhriachtanas is tábhachtaí ina leith go mbeadh faisnéis chruinn agus mhionsonraithe ar fáil lena bhféadfaí feidhmíocht a thomhas ag leibhéal an duine aonair agus ag leibhéal eagraíochtúil. Tugadh ar aird in ár Ráiteas Straitéise 2004-2006 nach raibh na córais Teicneolaíochta Faisnéise a bhí riachtanach chun a téarmaí tagartha leathnaithe a bhainistiú go héifeachtach ag an Oifig. Forbraíodh straitéis Teicneolaíochta Faisnéise le linn shaolré an ráitis straitéise deiridh chun aghaidh a thabhairt ar an bhfadhb sin. Cinntíodh tiomantas freisin i ndáil le maoiniú chun córas Bainistithe Cáis agus Doiciméid agus Comhad-Rianaithe a fhorbairt.

3.18 Síníodh conradh i mí na Nollag 2005 d'fhorbairt agus d'fheidhmiú Bainistithe Cáis agus Doiciméid agus Comhad-Rianaithe nua. Tá céim anailíse an tionscadail seo críochnaithe anois agus tá tús curtha leis an gcéim forbartha. Beidh an córas mar phointe rochtana aonair dár gcuid cásanna dlíthiúla go léir agus úsáidfídh an dá rannán dlíthiúla é. Ní iontrálfar gach cás ach uair amháin agus ní bheidh ach uimhir thagartha amháin aige. Beidh an comhfhreagras amach go léir a bhaineann leis an gcás cruthaithe ar an gcóras díreach ón gcás agus stórálfar ann é mar thagairt. Tá an córas nua le cur i bhfeidhm thart ar leath bhealach tríd an Ráiteas Straitéise seo.

3.19 Soláthróidh an córas Bainistithe Cáis agus Doiciméid agus Comhad-Rianaithe nua faisnéis bhainistithe a bheidh i bhfad níos mionsonraithe. Beidh caighdeán níos fearr agus soiléireacht na faisnéise sin mar thacaíocht ríthábhachtach do sheachadadh na gcuspóirí atá leagtha amach sa Ráiteas Straitéise seo. Beidh an fhaisnéis a chuirfidh an córas Bainistithe Cáis agus Doiciméid agus Comhad-Rianaithe ar fáil mar


phríomhghné de na tuarascálacha feidhmíochta a fhoilseofar thar shaolré an Ráiteas Straitéise seo.


3.20 Tuigeann an Oifig go ndéanfaidh na daoine a thugann measúnuithe ar feidhmíocht na hOifige an fhaisnéis a gheobhaidh siad a mheá i gcomparáid le chomh iontaofa a chreideann siad atá sí, cibé go comhfhiosach nó go neamhchomhfhiosach. Dá réir sin, is den ríthábhacht dúinn go mbeadh Coiste Iniúchta neamhspleách ann, a dhéanann maoirsiú ar fheidhm iniúchta inmheánach na hOifige. Tá roinnt comhaltáí seachtracha ar an gCoiste Iniúchta, agus fónann duine amháin acu mar Chathaoirleach. Cuireann cuntasóir neamhspleách an fheidhm iniúchta inmheánach ar fáil.

3.21 Deir Cairt an Choiste Iniúchta gurb é ról an choiste athbhreithniú córasach a dhéanamh ar an timpeallacht rialaithe agus ar na nósanna imeachta rialachais san Oifig agus tuarascálacha agus comhairle a sholáthar don ardbhainistíocht. Déanfaidh an Coiste Iniúchta maoirsiú ar iniúchtaí thar gach réimse d'obair na hOifige thar shaolré an Ráitis Straitéise seo. Coimeádfaidh sé na straitéisí bhainistiú riosca atá ar bun faoi athbhreithniú freisin agus déanfaidh sé measúnú ar cé chomh cuimsitheach atá an tslí a gcomhlíonann siad na dúshláin atá roimh an Oifig.

Saincheistean eagraíochtúla

3.22 Aturnaetha Stáit: Mar a tuairiscíodh inár Ráiteas Straitéise deiridh is é an t-aon mholadh de chuid an Ghrúpa Staidéir ar an gCóras Ionchúisimh Phoiblí atá fós le cur i bhfeidhm ná freagracht as an tSeirbhís Aturnae Stáit a aistriú ón Ard-Aighne go dtí an Stúirthóir Ionchúiseamh Poiblí. Tá cuid mhaith den obair ullmhúcháin a theastaíonn chun éifeacht a thabhairt





don aistriú sin déanta le trí bliana anuas. Achtaíodh an reachtaíocht riachtanach. Tá idirbheartaíocht mhionsonraithe faoi chonradh nua chun an tSeirbhís Aturnae Stáit a thabhairt cothrom le dáta beagnach curtha i gcrích, agus é seo á scríobh. Táthar ag súil go dtarlóidh an t-aistriú go luath i saolré an Ráitis Straitéise seo. Cé go dtabharfaidh an t-aistriú éifeacht do sheirbhís ionchúisimh níos sruthlínithe, beidh bainistiú na Seirbhíse Aturnae Stáit mar fhreagracht mhór bhreise don Oifig seo.

3.23 Cóiríocht in Aon Oifig Amháin: Ba phríomhchuspóir inár Ráiteas Straitéise deiridh an Oifig a athlonnú in aon áitreabh amháin. Tá an Oifig scaipthe thar dhá shuíomh faoi láthair agus mar gheall ar dhian-róphlódú is dócha go mbeidh uirthi an tríú foirgneamh a fháil. Téann scaipeadh na foirne thar roinnt suíomh in aghaidh an lánpháirtithe eagraíochtúil a shamhlaíonn an Grúpa Staidéar ar an gCóras Ionchúisimh Phoiblí. Cé go ndearnadh roinnt dul chun cinn ó thaobh foirgneamh a d'fhéadfadh a bheith oiriúnach a aithint gar don choimpléasc cúirteanna coiriúla nua atá beartaithe, braitheann tuilleadh dul chun cinn ar dhílárú rathúil na n-áititheoirí reatha go dtí foirgneamh nua lasmuigh de Bhaile Átha Cliath. Tuigtear go bhféadfadh dó nó trí de bhlianta a bheith i gceist sula dtabharfar é sin chun críche. Idir an dá linn caithfidh an Oifig seo roinnt dá foireann a aistriú go dtí foirgneamh nua. Déanfaidh sin an eagraíocht a scoilteadh níos mó agus ní shé sin an leagan amach is fearr.

Caidreamh le gNíomhaireachtaí Eile (Náisiúnta/Idirnáisiúnta)

3.24 D'fhonn seirbhísí ar an gcaighdeán is airde a sholáthar, tá sé riachtanach don Oifig caidrimh oibre láidre a bhunú agus a chothú le go leor níomhaireachtaí


agus daoine. Braitheann oibríocht éifeachtach na hOifige cuid mhór ar an tslí a ndéanann a foireann caidreamh le daoine agus le heagraíochtaí a mbíonn baint sheachtrach acu lena timpeallacht oibre. Tá dul chun cinn mór déanta ar chumarsáid chuimsitheach a bhunú leis na grúpaí sin ar fad, nach mór. Déanfar na caidrimh sin a neartú agus a chothabháil tuilleadh le linn thréimhse an Ráitis Straitéise seo.

3.25 Níl caidreamh dlíodóir agus cliant sa chiall is déine ag an Oifig leis an nGarda Síochána, le gníomhaireachtaí imscrúdaithe eile, nó le daoine eile den phobal. Mar sin féin, is é polasaí na hOifige, ó thaobh a bheith pras agus ar chaighdeán cuí freagartha, gur chóir caitheamh leo mar a dhéileálfadh oifig mhaith dlí lena cliaint. Mar thoradh air sin moltar don fhoireann a bheith cliantdhírithé, agus an chineál chur chuige a mheasfaí a bheadh mar shárchleachtas ag oifig dlí i ndéileáil lena cliaint a ghlacadh. Tá míreanna an Tionscnaimh Seirbhíse ar Ardchaighdeán lárnach don chur chuige sin.

3.26 Tá na príomhtheagmhálacha seachtracha atá ag an Oifig leo seo a leanas:

- An tArd-Aighne, atá ina chomhairleoir ag an Rialtas ar ábhair dhlí agus tuairimí dlí, lena n-áirítear dlí coiriúil, agus a bhfuil feidhm reachtúil aige dul i gcomhairle leis an Stiúrthóir ó am go ham i leith ábhair a bhaineann le feidhmeanna an Stiúrthóra. Bíonn ar an Ard-Aighne comh maith ceadú a thabhairt d'ionchúisimh áirithe a thugtar chun cinn, go sonrach faoin Acht um Rúin Oifigiúla, 1963.
- An Garda Síochána, a chuireann comhaid imscrúdaithe isteach chuig an Oifig, a fheidhmíonn mar ionchúisitheoirí i gcásanna na Cúirte


- Dúiche agus a chuireann na treoracha a thugann an Oifig seo i bhfeidhm maidir le cásanna den sórt sin.
- Gníomhaireachtaí ionchúisimh eile, lena n-áirítear na Coimisinéirí Ioncaim, an tÚdarás Iomaíochta, an Stiúrthóir um Fhorfheidhmiú Corparáideach, an tÚdarás Sláinte & Sábháilteachta, agus údaráis áitiúla:
 - Íosapartaigh coireanna a fhaigheann cearta agus cinnteachtaí áirithe faoin gCairt Seirbhíse Ionchúisimh agus faoi Oifig an Stiúrthóra Ionchúiseamh Poiblí.
 - An tSaotharlann Dlí-Eolaíochta, na Paiteolaithe Stáit agus an Biúró Liachta um Shábháilteacht ar Bhóithre, a sholáthraíonn sainfhianaise neamhspleách maidir le hábhair choiriúla.
 - An Biúró um Shócmhainní Choiriúla, ag feidhmiú mar shain-aonad de chuid an Gharda Síochána, a chuireann comhaid imscrúdaithe isteach chuig an Oifig seo, agus a chuireann na treoracha a thugann an Oifig seo i ndáil le cásanna den sórt sin i bhfeidhm.
 - Comhaltaí den Bharra a theagasctar le feidhmiú thar ceann Oifig an Stiúrthóra Ionchúiseamh Poiblí in ionchúisimh choiriúla.
 - An ghairm liachta, síceolaithe agus finnítithe eile a d'fhéadfaí a ghairm chun fianaise a thabhairt thar ceann an ionchúisimh.
 - Daoine a bhfuil drochamhras fúthu, daoine cúisithe agus daoine ciontaithe agus a gcomhairleoirí dlí.
 - Na Cúirteanna agus an tSeirbhís Chúirteanna.
 - Rannán Athchóirithe Dlí na Roinne Dlí agus Cirt, Comhionannais agus Athchóirithe Dlí, atá freagrach as an dlí coiriúil a athchóiriú.
 - An Coimisiún Athchóirithe Dlí atá freagrach as moltaí a dhéanamh faoi athchóiriú sa dlí coiriúil.
 - An tAontas Eorpach (AE), maidir le moltaí i réimse an dlí choiriúil agus nósanna imeachta;
 - EUROJUST, atá freagrach as comhordú i measc ionchúisitheoirí AE i ndáil le coireacht trasnáisiúnta.
 - OLAF (Office Européen de Lutte Anti-Fraude), a bunaíodh i 1999 mar oifig a oibríonn go neamhspleách chun leasanna airgeadais na gComhphobal Eorpach a chosaint in aghaidh chalaíoch agus éillithe.
 - GRECO, a bunaíodh faoi choimirce Chomhairle na hEorpa chun monatóireacht a dhéanamh, trí phróiseas cómheasúnaithe agus piarbhrú, ar chomhlíonadh *Threoirphrionsabail na Comhairle sa Troid in Aghaidh Éillithe*.
 - OECD (an Eagraíocht um Chomhar agus Fhorbairt Eacnamaíochta).
 - Gníomhaireachtaí ionchúisimh thar lear, go háirithe gníomhaireachtaí ionchúisimh ó dhlínsí dlí coiteann.
 - Cumainn idirnáisiúnta dlíodóirí agus ionchúisitheoirí, lena n-áirítear an Cumann Idirnáisiúnta Ionchúisitheoirí, Comhdháil Cheannairí na nGníomhaireachtaí Ionchúisimh, Cumann Idirnáisiúnta an Bharra agus cruinnithe de chuid ionchúisitheoirí na hEorpa a thionóltar faoi choimirce Chomhairle na hEorpa nó an tAontas Eorpach.



4 Príomh-chuspóirí

4.1 Le go mbainfidh sí a misean amach tá na cúig phríomh-chuspóir seo a leanas ag an Oifig:

1. Tuiscint ar an dlí agus ar chomhthéacs oibríochta na hOifige
2. Fís agus straitéis a fhorbairt le haghaidh treo na hOifige amach anseo
3. Próisis agus córais oibríochta a dhearadh chun ionchúisimh neamhspleácha, chothroma agus éifeachtacha a bhaint amach
4. Idirghníomhú agus comhoibriú le gach rannpháirtí eile sa chóras ceartais choiriúil i ndáil le saincheistanna trasrannacha le súil agus feabhas a chur ar cháilíocht fhoriomlán na seirbhíse
5. Cothabháil ar ionchais bheachta an phobail maidir le seirbhís



5 Seachadadh ar na Príomh-chuspóirí

5.1 Leagann an chaibidil seo amach na príomh-chuspóirí; na príomhriachtanais chun cuspóirí a chomhlíonadh; straitéisí sainiúla beartaithe chun gach ceann de na cúig phríomhchuspóir a bhaint amach; agus táscairí feidhmíochta do gach ceann de na cuspóirí. Tá na fachtóirí criticiúla rathúlachta atá riachtanach do bhaint amach na bpríomh-chuspóirí leagtha amach i gcaibidil 6.

5.2 Príomh-Chuspóir 1:

Tuiscint ar an dlí agus ar an gcomhthéacs oibríochta

Príomhriachtanais chun an cuspóir a chomhlíonadh:

- Tuiscint chríochnúil ag an bhfoireann ghairmiúil ar na dlíthe lena mbaineann
- Tuiscint chríochnúil ag an bhfoireann ghairmiúil ar a ról sa chóras ceartais choiriúil

Straitéisí lena chinntiú go gcomhlíonfar cuspóirí:

- Clár cuimsitheach oiliúna dlíthiúil agus oideachas leanúnach dlíthiúil a sholáthar, ó fhoinsí allamuigh nó in-tí, de réir mar is cuí agus comhordaithe ag an Oifigeach Oiliúna Dlíthiúil
- Faisnéis dhlíthiúil chothrom le dáta a sholáthar don fhoireann tríd an tseirbhís leabharlainne agus trí sheirbhís taighde dlíthiúil na hOifige
- Straitéisí bainistithe faisnéise a fhorbairt lena chinntiú go mbeidh faisnéis a fhaightear trí rannpháirt ag comhdhálacha nó cur amach ar shainréimsí dlíthiúla ar fáil don oifig go léir
- Clár ionduchtaithe a sheachadadh chuig gach duine den fhoireann a earcaíodh le gairid lena chinntiú go

bhfaighidh an fhoireann nua tuiscint chríochnúil ar an ról atá againn sa chóras ceartais choiriúil

- Faisnéis a chur ar fáil do gach duine den fhoireann maidir lenár n-idirghníomhú le gníomhaireachtaí eile sa chóras ceartais choiriúil

Táscairí Feidhmíochta:

- An líon uaire d'oideachas forbartha gairmiúla seachadta
- Córas d'fhaisnéis a scaipeadh ar bun agus athbhreithniú á dhéanamh go rialta air
- Tráthúlacht agus cáilíocht faisnéise faoi fhorbairtí dlíthiúla a ndéantar monatóireacht orthu
- Straitéis bainistithe faisnéise a fheidhmiú
- Oiliúint ionduchtaithe le fáil ag an bhfoireann laistigh de 3 mhí ó thús na fostaíochta

5.3 Príomh-Chuspóir 2:


Fís agus straitéis a fhorbairt le haghaidh treo na hOifige amach anseo


Príomhriachtanais chun an cuspóir a chomhlíonadh:

- Cur le feidhmiú ceart an chórais cheartais choiriúil ina iomláine
- Bainistiú straitéiseach éifeachtach agus uasta ar gach aonad den eagraíocht chun tacú leis an guspóir seo

Straitéisí lena chinntiú go gcomhlíonfar cuspóirí:

- Coiste Comhairleach Bainistíochta le díriú i gcónaí ar straitéisí do threo na hOifige amach anseo laistigh den chóras ceartais choiriúil





- A chinntiú go mbeidh foireann leordhóthanach ag gach feidhm agus réimse saineolais agus go mbeidh nósanna imeachta teagmhasacha do chhlúdú i bhfeidhm
- Cóiríocht oifige nua a fháil a sholáthróidh cóiríocht do gach rannán den Oifig
- Fís a fhorbairt ag leibhéal Coiste Comhairleach Bainistíochta do chomhordú níos mó idir an dá rannán dlíthiúla laistigh den Oifig
- Struchtúir a bhunú agus a chothabháil san Oifig do bhainistiú straitéiseach na heagraíochta ina hiomláine agus Seirbhís na nAturnaetha Stáit
- An Creat Oibre Eolais Bhainistíochta a fhorbairt chun eolas a sholáthar chun tacú le táscairí feidhmíochta don Oifig

Táscairí Feidhmíochta:

- Athbhreithnithe rialta ag Coiste Comhairleach Bainistíochta maidir le forbairt reatha na straitéisí atá imlínithe sa Ráiteas Straitéise
- Foireann leis na scileanna riachtanacha a bheith ann agus nósanna imeachta teagmhasacha a bheith ann
- Éifeachtúlachtaí agus éifeachtacht faighte ó chomhoibriú níos mó idir an dá rannán dlíthiúla laistigh den Oifig;
- Struchtúir i bhfeidhm lena n-áirítear Pleananna Gnó do na hAonaid ar fad; Straitéis Teicneolaíocht Faisnéise; Straitéis Achmhainní Daonna; Córas Bainistithe agus Forbartha Feidhmiúcháin; agus Coiste Comhpháirtíochta
- Na Córais Bhainistithe Faisnéise Riachtanacha i bhfeidhm

5.4 Príomh-chuspóir 3:

Próisis agus córais oibríochta a dhearadh chun ionchúisimh neamhspleácha, chothroma agus éifeachtacha a bhaint amach


Príomhriachtanais chun an cuspóir a chomhlíonadh:

- Caighdeán chomhsheasmhacha á gcur i bhfeidhm ag an Oifig agus thar a ceann sa phróiseas ionchúisimh
- Seirbhísí tacaíochta éifeachtacha agus cuimsitheacha
- Cinnteoirí sa phróiseas curtha ar an eolas go cuí
- Eolas iomchuí ag an mbainistíocht le bainistiú
- Cinntí/gníomhartha déanta ag leibhéal iomchuí laistigh agus lasmuigh den eagraíocht

Straitéisí lena chinntiú go gcomhlíonfar cuspóirí:

- Aonad Polasaí Ionchúisimh a bhunú le polasaí a cheapadh i ndáil le nithe ionchúisimh
- Córais a chur i bhfeidhm chun monatóireacht a dhéanamh ar chomhsheasmhacht na gcaighdeán
- A chinntiú go gcloífead le *Treoirlínte d'Ionchúisitheoirí* agus leis an *gCód Eitice*
- Córas a bhunú lena chinntiú go ndéileálfar le gach cumarsáid ó gheallsealbhóirí ar bhealach cuí
- Athbhreithniú a dhéanamh ar nósanna imeachta reatha maidir le cúiseanna a thabhairt do chinntí ionchúisimh
- Córas láimhseála gearán a bheith i bhfeidhm agus monatóireacht agus

- athbhreithniú a dhéanamh ar na gearáin a fhaightear
- Nósanna imeachta a bheith i bhfeidhm lena chinntiú go mbreithneofar gach pianbhreith is dealraitheach a bheith róthrócaireach agus athbhreithnithe a lorg nuair is cúí sin
 - Acmhainní breise a dhíriú ar chur i bhfeidhm na réiteach atá ar fáil chun fáltais ó choireacht a choigistiú
 - Monatóireacht a dhéanamh ar chórais do roghnú agus meastóireacht Abhcóidí lena chinntiú go leanfaidh seirbhísí na saineolaithe abhcóideachta is fearr i gcleachtas an dlí choiriúil a bheith ar fáil don Stiúrthóir, agus de bheith in úsáid aige, agus aird á tabhairt ar a oibleagáid reachtúil.
 - Seirbhísí riaracháin a thacaíonn leis an bpróiseas ionchúisimh a bheith i bhfeidhm
 - Córas Teicneolaíochta Faisnéise a fhorbairt a thacaíonn leis an bpróiseas ionchúisimh agus faisnéis bhainistithe a sholáthar a éascaíonn anailís a dhéanamh ar éifeachtacht agus éifeachtúlacht an chórais ionchúisimh
 - Córais chumarsáide a fhorbairt lena chinntiú go mbeidh an fhaisnéis is iomláine ag cinnteoirí san Oifig ó dhaoine eile a bhíonn páirteach sa phróiseas ionchúisimh
 - Straitéis a fhorbairt do thairmligean na feidhme cinnteoireachta go dtí leibhéal cúí cibé laistigh nó lasmuigh den eagraíocht
- Táscairí Feidhmíochta:**
- Aonad Polasáí Ionchúisimh i bhfeidhm agus polasaithe forbartha
 - Feidhmíú aonfhoirmeach ar chaighdeán agus cur chuige
 - Leibhéal chomhlíonta le *Treoirlínte d'Ionchúisitheoirí* agus *Cód Eitice* leirithe ag iniúchtaí cáis agus córas chun déileáil le gearáin
 - Tráthúlacht cinntí agus seoladh cásanna
 - Cion de threoracha déanta
 - Scála ama ina gcuirtear cinntí i bhfeidhm
 - Críochnú an athbhreithnithe ar chúiseanna a thabhairt do chinntí ionchúisimh agus moltaí a chuirtear i bhfeidhm
 - Déileáil le cumarsáid ar shlí thráthúil agus chúí
 - Gearáin a láimhseáil de réir threoirlínte polasáí
 - An líon achomharc a thaisctear agus a dtoradh
 - An líon cásanna inar coigistíodh fáltais ó choireacht agus luach na bhfáltas
 - Córas cóir agus trédhearcach do roghnú Abhcóidí i bhfeidhm
 - Mionteagaisc á sannadh ar Abhcóidí agus alt 7 den Acht um Ionchúiseamh i gCionta, 1974 á chomhlíonadh
 - Meastóireacht ar fheidhmíocht Abhcóidí
 - Leibhéal sástachta le seirbhísí tacaíochta riaracháin
 - An céatadán cásanna inar éilíodh faisnéis bhreise
 - Anailís ar thorthaí cásanna trí Chreat um Fhaisnéis Bainistithe



- Toradh na n-aschur a bhaineann le líon foirne
- Feidhmiú na straitéise ar thairmligean cuimsitheach

5.5 Príomh-Chuspóir 4:

Idirghníomhú agus comhoibriú le gach rannpháirtí eile sa chóras ceartais choiriúil i ndáil le saincheisteanna trasrannacha le súil agus feabhas a chur ar cháilíocht fhoriomlán na seirbhíse.


Príomhriachtanais chun an cuspóir a chomhlíonadh:

- Comhaontú ar rólanna na rannpháirtithe
- Malartú faisnéise idir gach rannpháirtí sa chóras ceartais choiriúil náisiúnta agus idirnáisiúnta araon
- Caitheamh go cuí le híospartaigh agus finnétithe
- Cur le grúpaí agus eagraíochtaí náisiúnta agus idirnáisiúnta
- Comhoibriú i dtiomsú staitisticí coireachta

Straitéisí lena chinntiú go gcomhlíonfar cuspóirí:

- A chinntiú go mbeidh gach gníomhaireacht dá soláthraimid seirbhís soiléir faoina ról faoi seach trí mhalartú faisnéise, idirchaidreamh rialta déthaobhach agus comhaontuithe éifeachtacha idirghníomhaireachta
- Naisc idirchaidrimh bhuana a chothabháil leis an nGarda Síochána chun déileáil le saincheisteanna comhleasa ar bhonn leanúnach. Áirítear ar na saincheisteanna sin:


- Cabhrú leis an nGarda Síochána trí oiliúint a sholáthar i nithe dlíthiúla don Garda Síochána
- Comhairle dhlíthiúil a sholáthar don Garda Síochána ar iarratais a bhaineann le ceisteanna dlíthiúla a d'fhéadfadh teacht chun cinn ag an staid imscrúdaithe
- Oibriú leis an nGarda Síochána chun córais a chur chun cinn a fheabhsóidh cáilíocht agus éifeachtúlacht na gcomhad imscrúdaithe
- Treoracha ginearálta do Choimisinéir an Gharda Síochána a fhógairt agus a choimeád faoi athbhreithniú faoi alt 8 d'Acht an Gharda Síochána 2005
- Idirchaidreamh ardleibhéil a chothabháil le príomhghníomhairí eile sa chóras ceartais choiriúil trí chruinnithe an Ghrúpa Cheartais Choiriúil
- Cur le hathchóiriú an dlí choiriúil agus le héifeachtúlacht an chórais ceartais choiriúil trí fhadhbanna a thagann chun cinn i gcleachtas a tharchur chuig: an tArd-Aighne; an tAire Dlí agus Cirt, Comhionannais agus Athchóirithe Dlí; Airí iomchuí eile; an Coimisiún Athchóirithe Dlí; an Bhreithiúnacht; nó an dá chraobh den ghairm dlí, de réir mar is cuí
- Nósanna imeachta oibriúcháin a fhorbairt le héifeacht a thabhairt do thiomantais sa Chairt Seirbhíse Ionchúisimh agus sa Chairt Seirbhíse d'Ardchaighdeán de chuid Oifig an Stiúrthóra Ionchúiseamh Poiblí



- Leanúint le hidirchaidreamh a dhéanamh leis an nGarda Síochána agus le grúpaí ionadaíochta íospartach maidir le seirbhís a sheachadadh d'íospartaigh choireachta
- Cur leis an bpróiseas de chúnamh frithpháirteach idirnáisiúnta agus de chomhoibriú breithiúnach trí rannpháirtíocht i EUROJUST agus trí chomhoibriú le hOifig an Ard-Aighne, leis an nGarda Síochána agus leis an Roinn Dlí agus Cirt, Comhionannais agus Athchóirithe Dlí
- Comhdhálacha náisiúnta agus idirnáisiúnta a eagrú chun críche faisnéis a mhalartú agus plé a dhéanamh ar cheisteanna a bhfuil baint fhrithpháirteach leo
- Leanúint le naisc a fhorbairt le finnéithe gairmiúla a sholáthraíonn fianaise go rialta in ionchúisimh, chun seirbhís a fheabhsú do na finnéithe sin agus chun cur lenár dtuiscint ar an bhfianaise a bhíonn le tabhairt acu
- A bheith rannpháirteach i ngrúpaí oibre agus i gcoistí idirghníomhaireachta
- A bheith rannpháirteach in obair eagraíochtaí idirnáisiúnta dlíodóirí agus ionchúisitheoirí, agus ar an tslí sin a chinntiú go mbeidh an Oifig cos ar bhonn le forbairtí iomchuí i ndlínsí eile agus go leanfaidh sí ag feidhmiú de réir na gcaighdeán idirnáisiúnta inghlactha, go háirithe iad sin arna leagan amach ag na Náisiúin Aontaithe, Comhairle na hEorpa agus Cumann Idirnáisiúnta na nIonchúisitheoirí

Táscairí Feidhmíochta:

- Comhaontuithe idirghníomhaireachta i bhfeidhm
- An líon cruinnithe de chuid an Choiste Idirchaidrimh an Gharda Síochána
- An líon cruinnithe de chuid an Ghrúpa Cheartais Choiriúil
- An líon laethanta oiliúna arna soláthar chuig an Garda Síochána
- An líon treoracha ginearálta arna n-eisiúint faoi alt 8 d'Acht an Gharda Síochána 2005
- Céatadán de chásanna ina n-éilítear faisnéis bhreise
- An líon aighneachtaí a rinneadh ar athchóiriú an dlí choiriúil
- Idirchaidreamh leanúnach le finnéithe gairmiúla nó lena ngrúpaí ionadaíochta
- An líon cruinnithe agus idirchaidreamh leanúnach le grúpaí ionadaíochta íospartach
- Leibhéil sástachta maidir le seachadadh seirbhíse chuig íospartaigh choireachta
- An méid a chuirtear le hobair eagraíochtaí idirnáisiúnta
- An líon comhdhálacha arna n-eagrú agus an freastal orthu
- Dul chun cinn grúpaí oibre agus coistí
- Reathacht na faisnéise atá ar fáil ar fhorbairtí i ndlínsí eile



5.6 Príomh-Chuspóir 5:

Cothabháil ar ionchais bheachta an phobail i leith seirbhíse

Príomhriachtanais chun an cuspóir a chomhlíonadh:

- Tuiscint phoiblí ar obair na hOifige
- Muinín an phobail as an bpróiseas ionchúisimh


Straitéisí lena chinntiú go gcomhlíonfar cuspóirí:

- An méid faisnéise is féidir faoi obair Oifig an Stiúrthóra Ionchúiseamh Poiblí a chur ar fáil, go háirithe trí fhoilsiú Tuarascálacha Bliantúla, Ráiteas Threoirlínte d'Ionchúisitheoirí, leabhráin faisnéise agus foilseacháin eile na hOifige
- Láithreán gréasáin dátheangach a chothabháil a bheidh inrochtana agus a mbeidh faisnéis chuí don sprioclucht féachana ann
- Caitheamh le híospartaigh agus finnéithe coireachta le hógairacht agus tuiscint de réir na ngealltanais atá tugtha sa Chairt Seirbhíse Ionchúisimh & sa Chairt Seirbhíse d'Ardchaighdeán de chuid Oifig an Stiúrthóra Ionchúiseamh Poiblí
- Chairt Seirbhíse d'Ardchaighdeán a bheith i bhfeidhm a leagann amach caighdeán seirbhíse is féidir a bheith ag súil leo ó Oifig an Stiúrthóra Ionchúiseamh Poiblí
- Polasaí láimhseála gearán cuimsitheach a fhorbairt
- Athbhreithniú ar pholasaí na hOifige maidir le cúiseanna d'íospartaigh do chinntí ionchúisimh a fhoilsiú

- Oscailteacht agus feacht an phobail ar ról na hOifige a chur chun cinn

Táscairí Feidhmíochta:

- Tuarascáil Bhliantúil chuimsitheach a fhoilsiú laistigh de 6 mhí ó dheireadh na bliana
- An líon foilseachán arna n-eisiúint ag an Oifig
- Líon agus méid dháileadh ar leabhráin faisnéise
- Reathacht agus inrochtaine na faisnéise atá ar fáil ar an láithreán gréasáin
- Anailís ar úsáid an láithreáin ghréasáin
- Meastóireacht ar ghearáin a fhaightear
- Chairt Seirbhíse d'Ardchaighdeán Athbhreithnithe agus Plean Gnímh foilsithe
- Polasaí láimhseála gearán i bhfeidhm
- Athbhreithniú ar an bpolasaí maidir le cúiseanna a thabhairt do chinntí ionchúisimh tugtha chun críche agus foilsithe
- An líon agallamh poiblí a thugtar; cur i láthair a dhéantar ag comhdhálacha agus alt foilsithe



6 Fachtóirí Criticiúla Rathúlachta

6.1 Tá roinnt fachtóirí fiorthábhachtach ó thaobh bhaint amach na gcuspóirí atá leagtha amach sa Ráiteas Straitéise seo. Tá roinnt de na fachtóirí sin lasmuigh d'Oifig an Stiúrthóra Ionchúiseamh Poiblí agus lasmuigh de smacht na hOifige. Is fachtóirí inmheánach cinn eile díobh a bhfuil smacht ag an Oifig orthu.

Fachtóirí lasmuigh de smacht na hOifige

6.2 Tá aird tugtha ar roinnt tionscnamh sa Ráiteas Straitéise seo mar thionscnaimh atá riachtanach do sheirbhís ionchúisimh d'ardchaighdeán a sheachadadh sa timpeallacht athraitheach ina bhfeidhmíonn an Oifig. Braitheann cur i bhfeidhm na dtionscnamh sin ar acmhainní breise riachtanacha a bheith ar fáil d'Oifig an Stiúrthóra Ionchúiseamh Poiblí. Le linn 2006 d'iarr an Stiúrthóir acmhainní le déileáil le go leor de na tionscnaimh sin. Fuarthas ceadú do na hacmhainní breise sin i mí Eanáir 2007.

6.3 Cé gur ceadáíodh acmhainní breise suntasacha, beidh tuilleadh acmhainní breise ag teastáil chun tionscnaimh eile arna leagan amach sa Ráiteas Straitéise a chur i bhfeidhm, mar fhreagracht as ionchúisimh lascaigh Mara a ghlacadh ón Ard-Aighne nó ról níos mó a ghlacadh maidir le pianbhreitheanna a ghearradh. Ar an dóigh céanna, d'fhéadfadh go n-eascródh gá le hacmhainní breise as moltaí na tuarascála atá ag scrúdú cúiseanna a thabhairt le cinntí gan ionchúiseamh a dheánamh. Ní bheidh sé soiléir cén leibhéal acmhainní breise a éileoidh tionscnaimh den sórt sin ach amháin thar shaolré an Ráitis Straitéise seo.

6.4 Tá gá práinneach le go lonnófaí an Oifig iomlán in aon fhoirgneamh amháin. Go dtí go gcuirfear foirgneamh sách mór ar fáil lagófar cumas na hOifige seachadadh ar na cuspóirí atá leagtha amach sa

Ráiteas seo. Má leanann an Oifig de bheith scaipthe thar roinnt suíomh beidh drochthionchar aige sin ar chaighdeán na seirbhíse a chuirfear ar fáil.


6.5 Agus seo á scríobh, tá idirbheartaíocht faoi chonradh agus téarmaí i ndáil le freagracht as Seirbhís an Aturnae Stáit a aistriú chuig an Stiúrthóir go maith chun tosaigh. Táthar ag súil go ndéanfar comhaontú i lár 2007. Mar sin féin, is faoi gach aturnae stáit faoi leith a bheidh sé cinneadh ar chóir conradh nua a shíniú leis an Stiúrthóir.

6.6 Cé go ndéanfaidh an Oifig seo iarracht a chinntiú go mbainfear an leas is éifeachtaí is féidir as acmhainní laistigh den chóras ceartais choiriúil trí chomhordú ghníomhaíochtaí na ngníomhaireachtaí agus comhlachtaí éagsúla a spreagadh, ar deireadh braithfidh rathúlacht maidir leis sin ar leibhéal comhoibrithe na ngníomhaireachtaí eile.

Fachtóirí a bhfuil smacht ag an Oifig orthu

6.7 Ní mór don Oifig foireann dlí ag a bhfuil an saineolas agus na caighdeáin ghairmiúla riachtanacha a earcú agus a choimeád. Ina theannta sin, ní mór di an fhoireann is gá chun tacaíocht a thabhairt dá feidhmeanna dlí chuig na caighdeáin is airde is féidir. Áirítear ar na seirbhísí tacaíochta riachtanacha seirbhísí teicneolaíochta faisnéise, leabharlainne, acmhainní daonna, airgeadais agus seirbhísí ginearálta bainistíochta.

6.8 Ní mór córais bhainistithe acmhainní daonna a fhorbairt chun cur le scileanna agus inniúlachtaí na foirne ag gach leibhéal trí chlár oiliúna agus forbartha a cheapfar i gcomhar leis an gCóras Bainistithe Feidhmíochta agus Forbartha.




6.9 Caithfear pleanáil do shainfheidhmiú riachtanach foirne ionas go ndéanfar freastal ar na héilimh leanúnacha ó réimsí nua, agus a bhfuil méadú ag teacht ar a gcastacht, sa dlí coiriúil.

6.10 Tá sé bunriachtanach slí bheatha a sholáthar a chinnteoidh slí bheatha spéisiúil agus shásúil don fhoireann, le deiseanna do dhul chun cinn agus ar an tslí sin cuidiú leis an Oifig a foireann, mar aon lena faisnéis agus scileanna as cuimse, a choinneáil.

6.11 Maidir le foirniú, tá sé ríthábhachtach i gcónaí líon foirne chomh gar le lán-líon foirne agus is féidir a choinneáil le cur ar chumas na hOifige déileáil leis na héilimh shuntasacha atá roimpi le linn shaolré an Ráitis Straitéise seo.

6.12 Mar a luadh cheana, tá an Córas Bainistithe Cáis agus Doiciméid agus Comhad-Rianaithe le dul i bhfeidhm le linn shaolré an Ráitis Straitéise seo. Chomh luath agus a bheidh an córas i bhfeidhm, beidh orainn a chinntiú go ndéanfar é a chur i bhfeidhm agus a bhainistiú go héifeachtach agus go seachadófar riachtanais oiliúna na foirne go léir ar shlí thráthúil.

6.13 Chomh luath agus a gheofar na hacmhainní riachtanacha, déanfaidh an Oifig seo maoirsiú ar bhunú an Aonaid Pholasaí Ionchúisimh. Leagfar amach plean gnó a thabharfaidh imlíne ar chuspóirí agus spriocanna an Aonaid. Fostófar an líon foirne a theastóidh lena chinntiú go gcomhlíonfar na cuspóirí laistigh de na scálaí ama atá sonraithe sa Phlean Gnó.



7 Achoimre ar an bPróiseas Ionchúisimh Choiriúil

An Garda Síochána & Sainghníomhaireachtaí Imscrúdaithe

- Stiúran imscrúduithe neamhspleácha coiriúla
- Stiúran formhór na n-ionchúiseamh achomair sa Chúirt Dúiche i ndáil le cionta nach bhfuil chomh tromchúiseach
 - Ullmhaíonn comhaid agus cuireann ar aghaidh chuig Rannán Aturnaetha Oifig an Siúrthóra Ionchúiseamh Poiblí (cásanna Bhaile Átha Cliath) nó chuig an aturnae stáit áitiúil iad i ndáil le cionta atá níos tromchúisí

Rannán Aturnaetha – Oifig An Stiúrthóra Ionchúiseamh Poiblí (Cásanna le héisteacht i mBaile Átha Cliath)	Aturnae Stáit Áitiúil (Cásanna le héisteacht lasmuigh de Bhaile Átha Cliath)
<ul style="list-style-type: none"> • Stiúran ionchúisimh áirithe achoimre sa Chúirt Dúiche • Cuireann comhaid imscrúdaithe ar aghaidh chuig Rannán Stiúrtha Oifig an Siúrthóra Ionchúiseamh Poiblí do threoracha <ul style="list-style-type: none"> • Ullmhaíonn cásanna don Chúirt 	

An Rannán Stiúrtha – Oifig An Stiúrthóra Ionchúiseamh Poiblí

- Scrúdaíonn comhaid a fhaightear ón Rannán Aturnaetha agus ó aturnaetha stáit áitiúla
 - Stiúran tionscnamh ionchúisimh nó leanúint d'ionchúiseamh
- Ainmníonn abhcóidí chun cásanna a ionchúiseamh ar díotáil (os comhair na Cúirte Cuarda, na Príomh-Chúirte Coiriúla agus na Cúirte Coiriúla Speisialta)
- Soláthraíonn teagasc leanúnach agus comhairle dlí don Rannán Aturnaetha agus d'aturnaetha stáit áitiúla go dtí go mbíonn an cás ag an éisteacht críochnaithe
- Comhairlíonn An Garda Síochán agus sainghníomhaireachtaí imscrúdaithe agus tugann treoracha faoi chúiseamh


Rannán Aturnaetha – Oifig An Stiúrthóra Ionchúiseamh Poiblí (Cásanna le héisteacht i mBaile Átha Cliath)	Aturnae Stáit Áitiúil (Cásanna le héisteacht lasmuigh de Bhaile Átha Cliath)
<ul style="list-style-type: none"> • Feidhmíonn treoracha ón Rannán Stiúrtha • Freastalaíonn ar réamhéisteachtaí sa Chúirt Dúiche <ul style="list-style-type: none"> • Ullmhaíonn Leabhar Fianaise i gcásanna díotála • Mionteagascann agus cuidíonn leis an abhcóide ainmnithe i stiúradh ionchúisimh <ul style="list-style-type: none"> • Freastalaíonn ar an triail agus tuairiscíonn an toradh chuig an Rannán Stiúrtha • Soláthraíonn seirbhís idirchaidrimh le gníomhaireachtaí agus páirtithe a bhíonn páirteach sa phróiseas coiriúil 	

Abhcóide Ionchúisimh

- Bíonn i láthair sa Chúirt agus stiúran ionchúiseamh ar díotáil thar ceann an Stiúrthóir Ionchúiseamh Poiblí agus de réir threoracha an Stiúrthóir Ionchúiseamh Poiblí

Cúirteanna

- Cás ag an éisteacht (díotchúiseamh, triail)
 - Toradh an cháis (ciontú/éigíontú)
 - Pianbhreith a ghearradh



8 Cairt Eagraíochta

Óifig An Stiúrthóra Ionchúiseamh Poiblí Ráiteas Straitéise 2007-2009

